

**TAHAP PRESTASI PENGURUSAN KEWANGAN KEMENTERIAN KERJA  
RAYA DI TAHAP “BAIK”**

Dalam sistem penarafan pengurusan prestasi kewangan bagi tahun 2008, Kementerian Kerja Raya mendapat tahap prestasi pengurusan kewangan “Baik” dengan penarafan 3 bintang seperti mana yang dinyatakan dalam Laporan Ketua Audit Negara. KKR telah menunjukkan peningkatan di mana KKR telah berada di kedudukan ke 6 berbanding dengan kedudukan ke 10 pada tahun 2007.

Sistem penarafan yang dijalankan oleh Jabatan Audit Negara ini mengambil kira pematuhan terhadap peraturan kewangan bagi 6 aspek kawalan utama iaitu kawalan pengurusan; kawalan bajet; kawalan terimaan; kawalan perbelanjaan; pengurusan kumpulan wang amanah/akaun amanah dan deposit serta pengurusan aset dan stor.

**JADUAL 5.1  
PEMARKAHAN TAHAP PRESTASI PENGURUSAN KEWANGAN**

<b>MARKAH KESELURUHAN</b>	<b>TAHAP</b>	<b>PENARAFAN</b>
90 – 100	Cemerlang (Sangat Baik)	
70 – 89	Baik	
50 – 69	Memuaskan	
49 ke bawah	Tidak Memuaskan	

## **5.2. OBJEKTIF PENGAUDITAN**

Bagi membolehkan penarafan diberi kepada tahap pengurusan kewangan Kementerian/ Jabatan Persekutuan, pengauditan telah dijalankan untuk menentukan sama ada :-

- 5.2.1. Wujudnya struktur dan sistem pengurusan kewangan yang berkesan.
- 5.2.2. Wujudnya sistem kawalan dalaman yang berkesan terhadap pungutan hasil, perbelanjaan serta pengurusan akaun amanah, aset dan inventori.
- 5.2.3. Pengurusan kewangan dibuat mengikut undang-undang dan peraturan yang ditetapkan.
- 5.2.4. Rekod yang berkaitan diselenggarakan dengan lengkap dan kemas kini.

## **5.3. SKOP DAN METODOLOGI PENGAUDITAN**

5.3.1. Pengauditan telah dijalankan di semua 27 Kementerian dan 33 daripada 110 Jabatan Persekutuan. Jabatan diaudit secara pusingan setiap 3 tahun. Pengauditan telah dijalankan dengan memberi tumpuan terhadap 6 aspek kawalan utama iaitu kawalan pengurusan; kawalan bajet; kawalan terimaan; kawalan perbelanjaan; pengurusan kumpulanwang amanah/akaun amanah dan deposit serta pengurusan aset dan stor.

5.3.2. Bagi menilai tahap kawalan yang telah diwujudkan bagi setiap aspek kawalan utama yang tersebut di atas, pengauditan telah dijalankan dengan menyemak rekod dan dokumen kewangan bagi tempoh bulan Januari hingga Disember 2008 di peringkat Ibu Pejabat Kementerian/Jabatan Persekutuan. Selain itu, semakan juga dibuat terhadap Penyata Kewangan Kerajaan Persekutuan Tahun 2008 bagi menentukan kedudukan prestasi kewangan Kementerian/Jabatan Persekutuan secara menyeluruh pada tahun 2008.


## **5.4. PENEMUAN AUDIT**

5.4.1. Pelaksanaan sistem penarafan bagi 27 Kementerian dan 33 Jabatan Persekutuan adalah berdasarkan pengauditan terhadap tahap pengurusan kewangan mengikut 6 jenis kawalan seperti berikut :-

**JADUAL 5.2  
TAHAP PRESTASI PENGURUSAN KEWANGAN KEMENTERIAN DAN JABATAN  
BAGI TAHUN 2007 DAN 2008**

TAHAP PENARAFAN	KEMENTERIAN		JABATAN	
	2008	2007	2008	2007
Cemerlang	4	1	2	5
Baik	20	22	21	20
Memuaskan	3	5	10	6

**CARTA 5.1  
TAHAP PRESTASI PENGURUSAN KEWANGAN KEMENTERIAN  
BAGI TAHUN 2008**



**Nota :**

*Berikutan daripada pengumuman kabinet baru pada bulan April 2009, status 5 Kementerian adalah seperti berikut :-*

- Kementerian Perdagangan Dalam Negeri Dan Hal Ehwal Pengguna dikenali sebagai Kementerian Perdagangan Dalam Negeri, Koperasi Dan Kepenggunaan.*
- Kementerian Penerangan telah dicantumkan dengan Kementerian Perpaduan, Kebudayaan, Kesenian Dan Warisan dan dikenali sebagai Kementerian Penerangan, Komunikasi Dan Kebudayaan.*
- Kementerian Tenaga, Air Dan Komunikasi dikenali sebagai Kementerian Tenaga, Teknologi Hijau Dan Air.*
- Kementerian Pembangunan Usahawan Dan Koperasi telah dibubarkan.*